

Aningaasaqarnermut Ataatsimiititaliap suliaq nr. 01.31.06/08-00327 pillugu pingasunngornermi ulloq 14. maj 2008-mi aalajangiinera pillugu Naalakkersuisunut ilisimatitsineq.

(Naalakkersuisut ulloq 2. maj 2008-mi ataatsimiinneranni imm. 2b.)

Ingerlatsinermit kontomit sanaartornermut kontomut nuussinissamik qinnuteqaat

Naalakkersuisut **inassutigaat**,

- 62.04.05-imi, Piareersarfinnut tunngasumi, aningaasaliissutit 2008-mi 2.800.000 kr.-inik ikilineqassasut, kiisalu
- kontomi pingaarnermi 84.40.09-mi, Inuussutissarsiutitigut ilinniartitaanermut tunngasumi, suliassamut nr. 090.51.011-mut, Kangaatsiami Piareersarfimmi ininut atuartsivinnut tunngasumut, aningaasaliissutit 2008-mi 2.800.000 kr.-inik amerlineqassasut.

Aningaasaqarnermut Ataatsimiititaliap oqaaseqaatai

Kangaatsiami ininik ilinniartitsivinnik sananissaq siunertaralugu Piareersarfinnut ingerlatsinermit kontomit aningaasanit nuussinissaq Naalakkersuisut suliama matumani qinnutigaat. Tamanna Kangaatsiami inuussutissarsiutinut tunngaviummik ilinniarfeqarsimannginneranik tunngavilersorneqarpoq. Qaanaami Piareersarfiit pillugit qinnuteqaat assingusoq Aningaasaqarnermut Ataatsimiititaliamit oktober 2007-imi akuersissutigineqarpoq (Suliaq 07-282). Tamatuma saniatigut qinnuteqaammi matumani pineqartumi paasissutissiissutigineqarpoq ajornartorsiut taamaattoq Ittoqqortoormiini aamma atuuttoq. Qinnuteqaatigineqartoq Aningaasaqarnermut Ataatsimiititaliamit maannangaaq akuersissutigineqarsinnaavoq. Ittoqqortoormiinili ininik ilinniartitsivinnik pilersitsinissaq eqqarsaatigalugu sanaartornissamut aningaasanik 2009-mi aningaasanut inatsimmi immikkoortitsisoqarnissaa ataatsimiititaliamit ersarilluinnartumik naatsorsuutigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnineq naapertorlugu Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua